

**SIMBOLIK  
PERASMIAN ...**  
Khalil memotong  
riben pada  
kenderaan Student  
Hive Ekspress.



## YUMPS perkenal kediaman pelajar berkonsepkan kondominium

NBT 29.9.2019 5

**KOTA KINABALU:** Kediaman pelajar berkonsep kondominium dikenali sebagai kondotel kini diperkenalkan oleh Yayasan Universiti Malaysia Sabah (YUMS).

Pengarah Eksekutif YUMS, Helaladin Mohd Dahlan berkata usaha YUMS memperkenalkan kediaman berkonsep apartament itu adalah bagi memberi keselesaan kepada para pelajar yang menginap di kolej kediaman.

"Kita ada 500 unit kediaman yang mana setiap unit ada tiga bilik yang mampu

memuatkan enam penghuni setiap rumah.

"Yuran kediaman yang dikenakan adalah sebanyak RMI,800 sebulan bagi satu unit kediaman,"katanya.

Beliau berkata demikian ketika ditemui New Sabah Times semasa sesi pelancaran Student Hive @ Numbak disini kelmarin.

Menurut beliau, pelajar yang menyewa di sana disediakan kemudahan lift, katil berserta tilam, meja belajar dan kerusi, almari baju, kabinet buku di ruang tamu,

meja makan dan kerusi rehat.

Para pelajar yang menyewa juga boleh membawa peralatan elektrik sendiri bagi kemudahan kegunaan masing-masing.

"Di sini kita ada juga sediakan pengangkutan dan tidak lama lagi, akan dibuka jalan alternatif kepada para pelajar di sini untuk memudahkan jarak perjalanan mereka," katanya lagi.

Hadir merasmikan acara ialah Ahli Lembaga Pengarah YUMS Tan Sri Datuk Seri Datu Khalil Datu Jamalul. **OLEH NOOR ZAFIRA SHAFIE**